

Årsmelding for Eldrerådet 2020

Kva er eit eldreråd?

Eldrerådet er eit rådgivande medverknadsorgan i kommunar og fylkeskommunar. Kvar kommune og fylkeskommune skal ha eldreråd. Alle saker som gjeld eldre, skal leggast fram for rådet. Eldrerådet kan også ta opp saker på eige initiativ. Formålet med eldrerådet er å bidra til å sikre ein brei, open og tilgjengeleg medverknad i saker som gjeld eldre. Det er behov for eldreråd fordi eldre ofte er underrepresenterte i folkevalde organ. Det er viktig at synspunkt frå eldre blir ivaretatt i kommunale og fylkeskommunale beslutningsprosessar og det er derfor krav om eldreråd i kvar kommune og fylkeskommune.

Representantar i Masfjorden kommune for perioden 2019-2023 vart vald av kommunestyret i møte den 10.12.2019, sak 123/19.

Følgjande personar er medlemmer i eldrerådet:

Inger Jåstad (Indre Masfjorden pensjonistlag)	(varamedlem Edith Stuart Matre)
Ingunn Einestrånd (Sørsida pensjonistlag)	(varamedlem Jorunn Færevåg)
Ivar Haukeland (Nordbygda pensjonistlag)	(varamedlem Lovisa Matre)
Karstein Totland (ordførar)	(varaordførar Torill Torsvik Størkersen)
Britt Inger Myhr (kommunestyrerepresentant)	(varamedlem Johnny Eidsheim)

I meldingsåret har det vore to møter i eldrerådet, den 03. januar 2020 og 16 november 2020. På det første møtet møtte alle dei faste medlemmene saman med personar frå administrasjonen. På dette møtet vart eldrerådet konstituert, og Ivar Haukeland vart samrøystes vald som leiar og Inger Jåstad vart samrøystes vald som nestleiar. På novembermøtet kunne ikkje noko frå sørsida delta. På grunn smittesituasjonen valde ein å ha få møter i eldrerådet i 2020.

På møtet i november vart budsjettet presentert av økonomi- og personalleiar Svein Viktor Ellingbø og det var orientering om oppstart av arbeidet med «Leve heile livet - reformen» ved helse- og omsorgsleiar Oddvin Arne Neset.

Assisterande rådmann Sveinung Toft har ført møtebok i lag med kontormedarbeidar Camilla Hjelmeland.

Saker handsama i meldingsåret:

Til saman 16 saker har vorte handsama i eldrerådet inkludert saker som godkjenning av møtebok og orienteringssaker med vidare. Kanskje viktigaste sakene i 2020 har vore drøfting knytt til koronasituasjonen for eldre i Masfjorden, samt budsjettet for 2020 og budsjettet for 2021. Nedunder er andre viktige saker i meldingsåret referert:

Leva heile livet – programmet:

Eldrerådet har og vore engasjert i at kommunen følgjer opp det statlege programmet «Leva heile

livet». Då saka var oppe til handsaming på novembermøtet i sak 015/20 gjorde eldrerådet følgjande samrøystes vedtak:

«Eldrerådet sluttar seg til framlegget til vedtak, men meiner at det bør oppnemnst ei referansegruppe der alle pensjonistlaga er representert.»

Dette vedtaket vart følgd opp av formannskapet i møte den 17.12.2020, i sak 108/20, som gjorde følgjande vedtak:

«Det vert etablert ei arbeidsgruppe som skal fylje opp reforma «Leve heile livet». Arbeidsgruppa sitt mandat er å vurdere korleis reforma kan tilpassast behova i Masfjorden kommune, og peika på tiltak som er sentrale i innføringa av reforma. Arbeidsgruppa skal innan 1.6.2021 leggje fram forslag til prioriterte områder, og peika på korleis desse kan innarbeidast i våre planar. Gruppa skal vere tverrsektorielt samansett (plan, teknisk, helse-omsorg), og representant frå eldrerådet og frivillig sektor vert invitert til å delta i arbeidet. Rådmannen får fullmakt til å peike ut deltakarar og leiar av arbeidsgruppa. Arbeidsgruppa rapporterer til Formannskapet, som er styringsgruppe i arbeidet. Det skal oppnemnst ei referansegruppe der alle pensjonistlaga er representert.»

Kvilebenkar for eldre:

Ei anna sak som eldrerådet har gjort vedtak om er å støtta arbeidet for at fleire skal vere fysisk aktive, og at det vert kvilebenkar der eldre går. Det kan vere på idrettsbana, turstiar eller ved gravplassane våre. For eldre er det viktig å kunne kvila ein stad det er godt å koma seg på føtene att.

Digital videooverføring av politiske møte :

I sak 016/20 handsama eldrerådet sak om digital videooverføring og gjorde då følgjande vedtak:«Eldrerådet oppmodar kommunen om å arbeide vidare med planane om digital videooverføring av politiske møter.»

Eldreprisen 2020 :

Eldrerådet tildelte Eldreprisen 2020 til Astrid Birkeland og Reidar Birkeland.

Spørsmål om snørydding:

Eldrerådet ber om at vedtaket frå Eldrerådet sak 005/2019 vert oppfølgt. Dette gjeld eiga sak om snørydding frå bustad til bilveg for eldre og andre som har bruk for slik hjelp.

Møte om støtteordningar for bustøtte

Eldrerådet ber om at ein følgjer opp sak 009/2019 som gjeld infromasjonsmøte om støtteordningar for bustøtte. Kommunen inviterar Ivar Haukeland og pensjonistlaga til planleggingsmøte.

Digitalisering av rekningar frå kommunen:

Dette temaet er vorte drøfta ved fleire høve.

